

# Triadas da outa serra

(Pra CELTIGA)



Ora ven o ledo  
vento bruador  
sementar as verbas  
da miña canzón.

O brancor da neve albeira  
como volvoreta tola  
tróuxome a serra de Meira.

Miña fertuna soñada  
sería ter unha chouza  
xunto da "Pena gallada".

E tan outo este penedo  
que, o cantar unha cantiga,  
retrousaránm-a no ceio.

O ter aquí os eidos meus  
topariame satisfeito  
na veciñanza de Deus.

Lonxe, tan lonxe do chan,  
teima miña fantesia  
coller o ceio c'ha man.

Tefio moi fondas arelas  
de lles roubar, pol-a noite,  
doces bicos as estrelas.

E si a nordesia crúa,  
me fire, quero acocharme  
no colo branco da lua.

Inda ben non chega o día  
espalcéncense meus ollos  
Vixando na lonxanía.

I-o sol, o vir de ruar  
trai un fachico de pallas  
aceso pra se alumbar.

Dendo cume d-este monte  
óllanse tod-os vieiros  
achantados n-ourizonte.

Non hei dores que chorar  
que sanda miñas doenças  
con suas meicinhas o ar.

Aquí donde da o sieiro  
e dond-eu quero dormir  
o meu sono derradeiro.

Prá que veña o ledo  
vento bruador  
sementar as cinzas  
do meu corazón.